

secutiues, aprez lesquelles, par l'enuie & importunité de certains marchans Basques & Bretons, ce qui luy auoit esté octroyé, fut reuocqué par le Conseil, au grand preiudice d'iceluy sieur de Mons: lequel par telle reuocation fut contraint d'abandonner tout, avec perte de ses traux & de tous les vtenfilles dont il auoit garny son habitation.

Mais comme il eut fait raport au Roy de la fertilité de la terre; & moy du moyen de trouuer le passage de la Chine, sans les incōmoditez des glaces du Nort, ny les ardeurs de la Zone torride, sous laquelle nos mariniers passent deux fois en allant & deux fois en retournant, avec des traux & perils incroiables, sa Maieité commanda au sieur de Mons de faire nouuel équipage & renvoyer des hommes pour continuer ce qu'il auoit commencé. Il le fit. Et pour l'incertitude de sa commission il changea de lieu, afin d'oster aux enuieux l'ombrage qu'il leur auoit apporté; meu aussi de l'esperance d'auoir plus d'utilité au dedans des terres où les peuples sōt ciuilisez, & est plus facile de planter la foy Chrestienne & establi vn ordre comme il est necessaire pour la conseruation d'un païs, que le long des riues de la mer, où habitēt ordinairement les sauuages: & ainsi faire que le Roy en puisse tirer vn profit.